



Directivas davart la finanziaziun speziala Sport concernent contribuziuns pauschalas per la lavur generala da federaziun e d'uniun

Sa basond sin l'art. 31 lit. a da l'Ordinaziun davart la promoziun dal sport e dal moviment (Ordinaziun da promoziun dal sport, DG 470.010) dals 7 da fanadur 2015

dal Departament d'educaziun, cultura e protecziun da l'ambient ils 19 d'avust 2015 (versiun dal 1. da fanadur 2023)

Art. 1 Il pajament da las contribuziuns pauschalas annualas

¹ A las commembras ed als commembers da la Federaziun da tetg dal sport grischun pon vegnir pajadas contribuziuns pauschalas annualas per la lavur generala da federaziun e d'uniun, per curs da scolaziun e da sport da tut gener per promover il sport da massa e da prestaziun sco er la giuventetgna. *

² A la Federaziun da tetg dal sport grischun po vegnir pajada ina contribuziun pauschala per sia lavur generala da federaziun.

Art. 2 Inoltraziun e tractament da las dumondas a) adressat

¹ Las dumondas da contribuziun ed ils documents ston vegnir inoltrads al post ch'è inditgà sin il formular da dumonda correspondent.

Art. 3 b) agiuntas

¹ A la dumonda ston vegnir agiuntads ils suandants documents:

- a) talun d'annunzia;
- b) tabella da retschertga;
- c) relaziun bancara; *
- d) quint economic approvà, bilantscha e rapport dals revisurs. *

Art. 4 c) termin d'inoltraziun

¹ Las indicaziuns davart il dumber d'uniuns e davart il dumber da commembras e commembers ston mintgamai vegnir inoltradas fin ils 15 d'october cun il formular d'annunzia uffizial al post inditgà (decisiva è la data dal bul postal resp. da l'e-mail).

² En cas d'indicaziuns inoltradas memia tard u en cas d'indicaziuns incumpletas na vegn pajada nagina contribuziun pauschala annuala.

Art. 5 d) decisiun davart il pajament da contribuziuns pauschalas annualas

¹ La Regenza decida davart l'autozza da las contribuziuns.

² La decisiun vegn communitgada en scrit a las petentas ed als petents.

Art. 6 e) basa per fixar la contribuziun

¹ Las contribuziuns pauschalas annualas a las commembras ed als commembers da la Federaziun da tetg dal sport grischun vegnan eruidas sin basa dals suandants parameters:

- a) dumber da las uniuns grischunas; *
- b) dumber da las commembras e dals commembers activs sur 20 onns;
- c) dumber da las commembras e dals commembers activs sut 20 onns;
- d) activitads da G+S tenor la statistica da l'Uffizi federal da sport; *

² La contribuziun a la Federaziun da tetg dal sport grischun vegn eruida sin basa dal rapport annual e dal rendaquint.

Art. 7 f) controlla dals documents

¹ Ils documents inoltrads vegnan controllads da l'Uffizi per la scola populara ed il sport.

Art. 8 g) pajament

¹ Las contribuziuns pauschalas annualas che vegnan fixadas da la Regenza, vegnan pajadas il cumenzament da l'onn.

Art. 9 h) publicaziun da la contribuziun pauschala annuala

¹ Las retschavidras ed ils retschaviders da las contribuziuns ston publicitar las contribuziuns pauschalas annualas en lur quint annual.

Art. 10 Cundiziun

¹ Las contribuziuns pauschalas vegnan pajadas sut la cundiziun che las marcas «graubündenSport» e «Swisslos» vegnian represchentadas en moda adequata. Bandieras u models da stampa correspondentes pon vegnir retratgs dal post ch'è inditgà sin il formular da dumonda.

Art. 11 Recurs

¹ Cunter las decisiuns da la Regenza poi vegnir fatg recurs tar la Dretgira administrativa dal chantun Grischun, Obere Plessurstrasse 1, 7000 Cuira, e quai entaifer 30 dis dapi la comunicaziun da la decisiun contestada.

Art. 12 Entrada en vigur

¹ Questas directivas entran en vigur il 19 d'avust 2015.

Tabella da las modificaziuns

Conclus	Entrada en vigur	Element	Midada
USS / DD 2790/2015 dals 19-08-2015	19-08-2015	emprim relasch	
USS / DD 1086/2023 dal 01-06-2023	01-07-2023	art. 1 al. 1, art. 3 al. 1 lit. c, art. 3 al. 1 lit. d, art. 6 al. 1 lit. a e d	midà midà nov midà

